

四庫全書

史部

欽定四庫全書

明會典卷五十八

禮部十七

冠服

朝服

諸司職掌

一文武官朝服梁冠赤羅衣白紗中單俱用青飾領緣  
赤羅裳青緣赤羅蔽膝大帶用赤白二色絹革帶綬佩

白襪黑履一品至九品俱以冠上梁數分等第

公冠八梁加籠巾貂蟬立筆五折四柱香草五段前後用玉為蟬

侯冠七梁加籠巾貂蟬立筆四折四柱香草四段前後用金為蟬

伯冠七梁加籠巾貂蟬立筆二折四柱香草二段前後玳瑁為蟬俱左插雉尾

駙馬冠與侯同不用雉尾

一品冠七梁不用籠巾貂蟬革帶與佩俱用玉綬用綠黃赤紫四色絲織成雲鳳四色花錦下結青絲網綬環

二用玉笏用象牙

二品冠六梁革帶綬環用犀餘同一品

三品冠五梁革帶用金佩用玉綬用黃綠赤紫四色織成雲鶴花錦下結青絲網綬環二用金笏用象牙

四品冠四梁革帶用金佩用藥玉餘同三品

五品冠三梁革帶用銀釵花綬用黃綠赤紫四色織成

盤鵬花錦下結青絲網綬環二用銀鍍金笏用象牙

六品七品冠二梁御史加獬豸革帶用銀佩用藥玉綬  
用黃綠赤三色絲織成練鵲花錦下結青絲網綬環二  
用銀笏用槐木

八品九品冠一梁革帶用烏角佩用藥玉綬用黃綠二  
色絲織成鸛鵲花錦下結青絲網綬環二用銅笏用槐  
木

一文武官朝服於大祀慶成正旦冬至聖節及頒降開

讀詔赦進表傳制則服之

事例

洪武三十年奏准雜職等官凡遇大朝賀等禮亦照九品官具朝服行禮

公服

諸司職掌

一文武官公服用盤領右衽袍或紵絲紗羅絹從宜製  
造袖寬三尺

一品至四品緋袍

五品至七品青袍

八品九品綠袍

未入流雜職官袍笏帶與八品以下同

公服花樣

一品用大獨科花徑五寸

二品小獨科花徑三寸

三品散答花無枝葉徑二寸

四品五品小雜花紋徑一寸五分

六品七品小雜花徑一寸

八品以下無紋

幘頭用漆紗二等展角各長一尺二寸其雜職官員幘

頭用垂帶

笏依朝服為之

腰帶

一品用玉或花或素



二品用犀

三品四品用金荔枝

五品以下用烏角鞵用青革仍垂撻尾於下鞵用皂

其在京文武官於每日早晚朝奏事及侍班謝恩見辭則服之在外文武官員于每日清早公座服之

一凡各處雜職未入流品人負若遇大朝賀進表等陪班行禮止用公服

事例

洪武二十四年定公侯駙馬伯公服服色花樣腰帶與  
一品同 文武官公服花樣如無從織買用素隨宜  
朝服公服制度内外文武官同其公服武官應直守衛  
者不拘此服 二十六年令常朝止穿便服若遇朔望  
具公服朝參 内外未入流雜職官幞頭展角與入流  
官同不用垂帶

祭服

諸司職掌

一文武官陪祭服一品至九品青羅衣白紗中單俱用  
皂領緣赤羅裳皂緣赤羅蔽膝方心曲領其冠帶佩綬  
等第並同朝服

明集禮

凡遇上親祀郊廟社稷羣臣分獻陪祀則具祭服

事例

洪武六年品官家用祭服三品以上去方心曲領四品  
以下並去佩綬 二十九年令在外未入流品陪祭俱

用祭服與九品同

常服

諸司職掌

一品官常服用雜色紵絲綾羅綵繡庶民止用紬絹紗  
布不許別用

一花樣

公侯駙馬伯麒麟白澤

文官一品二品仙鶴錦雞

三品四品孔雀雲鳳

五品白鸛

六品七品鷺鷥鸛鷯

八品九品黃鸝鶴鶉練鵲

風憲官用獬豸

武官一品二品獅子

三品四品虎豹

五品熊羆

六品七品彪

八品九品犀牛海馬

一官員及軍民僧道人等衣服帳幔並不許元黃紫三色并織繡龍鳳文違者罪及染造之人其朝見人員四時並用顏色衣服不許純素

洪武禮制

凡各處雜職未入流品人員若遇朝賀進表箋陪班行禮止用烏紗帽紅團領衫黑角束帶 凡文武官常朝

視事以烏紗帽團領衫束帶為公服一品玉帶二品花犀帶三品金釵花帶四品素金帶五品銀釵花帶六品七品素銀帶八品九品烏角帶 凡年老致仕及事親辭閒官員許用紗帽束帶若為事黜降者服與庶人同

事例

洪武三年令百官服色準所授散官不許見任之職二十二年令文武官除本等紗帽外遇雨雪許戴雨帽公差出外許戴帽子入城不許其公差人員出外者亦

如之 二十三年令官員人等衣服寬窄以身為度文  
職官衣長自領至裔去地一寸袖長過手復回至肘袖  
襖廣一尺袖口九寸公侯駙馬與文職官同武職官衣  
長去地五寸袖長過手七寸袖襖廣一尺袖口僅出拳  
二十五年定公侯駙馬伯束帶與一品同雜職未入  
流官與八九品同 三十年令致仕官服色與見任同  
若遇朝賀及謝恩見辭一體具服行禮 景泰四年令  
錦衣衛指揮侍衛毋得衣麒麟服色 天順二年令官



民人等衣服不得用蟒龍飛魚斗牛大鵬像生獅子四寶相花大西番蓮大雲花樣及姜黃柳黃明黃玄色綠等色

儀賓冠服

朝服公服常服俱照品級與文武官同惟笏皆用象牙常服花樣視武官

教坊司官冠服

事例

洪武間令教坊司官常服冠帶與百官同至御前供奉  
執粉漆笏服黑漆幘頭黑綠羅大袖襖袍黑角偏帶皂  
靴

命婦冠服

禮服

諸司職掌

一品冠用金事件

珠翟五箇

珠牡丹開頭二箇

珠半開三箇

翠雲二十四片

翠牡丹葉一十八片

翠口圈一副上帶金寶鈿花八箇

金翟二箇口銜珠結二箇

二品至四品冠用金事件

珠翟四箇

珠牡丹開頭二箇

珠半開四箇

翠雲二十四片

翠牡丹葉一十八

翠口圈一副上帶金寶鈿花八箇

金翟二箇口銜珠結二箇

一品至四品霞帔用雲霞文釵花金墜子褙子用雲霞

文

五品至六品冠用抹金銀事件

珠翟三箇

珠牡丹開頭二箇

珠半開五箇

翠雲二十四片

翠牡丹葉一十八

翠口圈一副上帶抹金銀寶鈿花八箇

抹金銀翟二箇口銜珠結子二箇

霞帔用雲霞文

五品鍍金釵花銀墜子

六品釵花銀墜子

七品至九品冠用抹金銀事件

珠翟二箇

珠月桂開頭二箇

珠半開六箇

翠雲二十四片

翠月桂葉一十八片

翠圈口一副上帶抹金銀寶鈿花八箇

抹金銀翟二箇口銜珠結子二箇

七品霞帔褙子與八品同

八品九品霞帔用繡纏枝花墜子與七品同褙子繡枝  
團花

事例

洪武五年定命婦圓衫之制以紅羅為之繡重雉為等

第一品九等二品八等三品七等四品六等五品五等  
六品四等七品三等其餘不用繡雉 二十四年定命  
婦冠服八侯伯與一品同大袖衫用真紅色一品至五  
品紵絲綾羅隨用六品至九品綾羅紬絹隨用霞帔裙  
子皆用深青緞疋公侯及一品二品金繡雲霞翟文三  
品四品金繡雲霞孔雀文五品繡雲霞鴛鴦文六品七  
品繡雲霞練鵲文命婦入內朝見君后在家見舅姑并  
夫及祭祀則服之 大袖衫領闊三寸兩領直下一尺



間綴紐子三前身長四尺一寸二分後身長五尺一寸  
內九寸八分行則摺起末綴紐子二紐在掩紐之下拜  
則放之袖長三尺二寸二分根闊一尺口濶三尺五分  
落摺一尺一寸五分掩紐二就用衫料連尖長二寸七  
分闊二寸五分各於領下一尺六寸九分處綴之於掩  
下各綴紐門一以紐住摺起後身之餘者兜子亦用衫  
料兩塊斜裁上尖下平處各闊一尺五分縫合於領下  
一尺七分處綴之上綴尖皆縫合以藏霞帔後垂之末

者霞帔二條各長五尺七寸闊三寸二分各繡禽七隨品級用前四後三各繡臨末左右取尖長二寸七分前後垂橫綴青羅襪子牽聯並之前垂三尺三寸五分尖綴墜子一後垂二尺三寸五分臨末挿兜子內藏之墜子中釵花禽一四面雲霞文禽如霞帔隨品級用笏以象牙為之圓首方脚長六寸四分闊一寸五分厚一分五釐

常服

事例

洪武二十四年定命婦常服用顏色圓領衫

生員巾服

事例

洪武二十四年定生員襴衫用玉色布絹為之寬袖皂

緣皂條軟巾垂帶

吏員巾服

事例

洪武四年定各衙門掾史令史書吏司吏典吏穿皂盤領衫繫絲條戴四方平定巾 十四年令吏員皂衣改用青色 三十年令史典吏皆服吏巾巾樣不與庶民同

士庶巾服 公使人等附

明集禮

士庶初戴四帶巾今改四方平定巾雜色盤領衣不許用黃執仗之士首服鏤金額交脚幘頭服諸色辟邪寶

相花裙襖銅葵花束帶皂紋靴刻期冠方頂巾衣胸背  
鷹鷄花腰線襖子諸色闊絲匾條象牙雕花環行膝八  
帶鞋阜隸冠圓頂巾衣皂衣

事例

洪武三年令庶民男女衣服並不得僭用金繡錦綺紵  
絲綾羅許用紬絹素紗其首飾釧鐲並不許用金玉珠  
翠止用銀靴不得裁製花樣金銀粧飾 四年令阜隸  
公使人穿阜盤領衫戴平頂巾繫白搭膊帶錫牌六

年令庶民巾環不得用金玉瑪瑙珊瑚琥珀未入流品者並同庶民帽不得用頂帽珠許用水晶香木枝尉只孫束帶幘頭靴鞋刻期雕刻雜花象牙條環外餘同庶民十四年令農民之家許用紬紗絹布商賈之家止許穿絹布如農民之家但有一人為商賈者亦不許穿紬紗校尉用金鵝帽黑漆鍍金荔枝改作銅釘樣每五釘攢就四面稍起邊欄鞋用青緊束之各衙門祇禁原穿皂衣改用淡青凡僧道服色禪僧茶褐常服

青條玉色袈裟講僧玉色常服綠條淺紅袈裟教僧阜  
常服黑條淺紅袈裟僧官皆如之道士常服青法服朝  
服皆用赤色道官亦如之惟僧錄司官袈裟道錄司官  
法服朝服皆綠紋飾以金 二十二年令將軍力士校  
尉旗軍常戴頭巾或襍腦官下舍人并儒士吏員民人  
常戴本等頭巾鄉村農夫許戴斗笠蒲笠出入市井不  
禁不親農業者不許 二十三年令耆民儒士生員衣  
制同文職惟袖過手復回不及肘三寸庶民衣長去地

五寸袖長過手六寸袖襖廣一尺袖口五寸軍人衣長  
去地七寸袖長過手五寸袖襖廣不過一尺窄不過七  
寸袖口僅出拳 二十五年令文武官同籍父兄伯叔  
弟姪子婿及儒生員吏典知印承差欽天監天文生太  
醫院醫士瑜珈僧正一道士將軍散騎舍人帶刀之人  
正伍馬軍并馬軍小旗教讀大誥師生許穿靴校尉力  
士遇上直許穿出外不許其庶民商賈技藝步軍及軍  
下餘丁管步軍總小旗官下家人火者皂隸伴當在外



醫卜陰陽人皆不許止許穿皮扎韉其北平山東山西  
宣大陝西河南并直隸徐州地寒人民許穿牛皮直縫  
靴 二十六年禁官民步卒人等不許服對襟衣惟騎  
士不拘

士庶妻冠服

婢使人等附

明集禮

士庶妻首飾許用銀鍍金耳環用金珠釧鐲用銀服淺  
色團衫用紵絲綾羅紬絹

事例

洪武五年令凡民間婦人禮服惟用紫染色絕不用金  
繡凡婦女袍衫止用紫綠桃紅及諸淺淡顏色不許用  
大紅鴉青黃色帶用藍絹布凡女子在室者服飾之制  
皆作三小髻金釵珠頭髻窄袖褙子凡婢使人等綰高  
頂髻用絹布狹領長襖長裙小婢使綰雙髻用長袖短  
衣長裙 成化十年禁官民人等婦女不許僭用渾金  
衣服寶石首飾

樂人巾服

明集禮

樂藝冠青巾字頂巾繫紅綠褙膊樂妓則戴明角冠皂  
褙子不許與庶民妻同

事例

洪武十二年令教坊司伶人常服綠色巾以別士庶之  
服 十四年令樂人戴鼓吹冠不用錦條惟用紅搭膊  
服色不拘紅綠 二十一年令教坊司婦人不許戴冠

穿褶子 二十五年令樂工當承應許穿靴出外不許  
三十年令樂人衣服許用明綠桃紅玉色水紅茶褐  
顏色其餘不得穿用俳優色長樂工俱戴皂頭巾繫雜色  
餘凡御前供奉俳優長皆服鼓吹冠紅羅胸背小袖袍紅  
絹褶膊皂靴

色長皆服鼓吹冠紅青綠紵絲衫畫百花袍紅絹褶膊  
歌工皆服弁冠紅羅織錦胸背大袖袍紅生絹錦領中  
單黑角束帶紅熟絹錦脚袴皂皮琴鞋白綿布夾襪

樂工服色與歌工同凡中宮供奉女樂奉鸞等官妻本  
色髣髴青羅圓領

提調女樂服黑漆唐巾大紅羅銷金裙襖胸帶大紅羅  
抹額青綠羅彩畫雲肩描金牡丹花皂靴

奏樂女樂服色與歌章同

明會典卷五十八

# 欽定四庫全書

史部  
明會典卷

五十九至  
六十五

詳校官編修<sub>臣</sub>裴謙

編修<sub>臣</sub>程嘉謨覆勘

總校官知縣<sub>臣</sub>繆琪

校對官中書<sub>臣</sub>高 中

謄錄監生<sub>臣</sub>李廷對

欽定四庫全書

明會典卷五十九

禮部十六

房屋器用等第

諸司職掌

一凡官員葢造房屋並不許歇山轉角重簷重拱繪畫藻井其樓房不係重簷之例聽從自便公侯前廳七間或五間兩廡九架造中堂七間九架後堂七間七架門

屋三間五架門用金漆及獸面擺錫環家廟三間五架俱用黑板瓦蓋屋脊用花樣瓦獸梁棟斗拱簷角綠色繪飾牕房柱用金漆或黑油飾其餘廊廡庫厨從屋等房從宜蓋造俱不得過五間七架

一品二品廳堂五間九架屋脊許用瓦獸梁棟斗拱簷桶青碧繪飾門屋三間五架門用綠油及獸面擺錫環三品至五品廳堂五間七架屋脊用瓦獸梁棟簷桶青碧繪飾正門三間三架門用黑油擺錫環



六品至九品廳堂三間七架梁棟止用土黃刷正門一間三架黑門鐵環

一品官房舍除正廳外其餘房舍許從宜蓋造比正屋制度務度減小不許太過其門牕戶牖並不許用朱紅油漆

一庶民所居房舍不過三間五架不許用斗拱及綵色裝飾

一器皿公侯一品二品酒注酒盞用金餘用銀

三品至五品酒注用銀酒盞用金

六品至九品酒注酒盞用銀餘皆用滋漆木器並不許用硃紅及抹金描金雕琢龍鳳文庶民酒器用錫盞用銀餘滋漆

一傘蓋一品二品銀浮屠頂茶褐羅表紅絹裏三簷

三品四品用紅浮屠茶褐羅表紅絹裏三簷已上傘蓋俱用黑色茶褐雨傘俱用紅油絹

五品用紅浮屠頂青羅表紅絹裏雨簷雨傘同四品

六品至九品用紅浮屠頂青絹表紅絹裏兩簷兩傘俱用油紙

一官員牀面屏風榻子並用雜色漆飾不誰雕刻龍鳳文并金飾硃漆

一官員鞍轡公侯一品二品用銀減鐵事件鞬用描銀三品至五品用銀減鐵事件鞬用油畫六品至九品用擺錫鐵事件鞬用油畫

一凡軍官軍士應用弓矢止是黑漆弓袋箭囊並不許

用硃漆描金粧飾

一已上服色器皿房屋等項並不許雕刻刺繡古帝王后妃聖賢人物故事及日月龍鳳獅子麒麟犀象等形

明令

凡官民服色冠帶房舍鞍馬貴賤各有等第上可以兼下下不可以僭上官員任滿致仕與見任同其父祖有官身沒非犯除名不叙子孫許居父祖房舍衣服車馬比父祖用有官者依品級其御賜者及軍官軍人服色

不在禁例

一車輿並不得雕飾龍鳳紋

職官一品至三品許用間金粧飾銀螭繡帶青幔

四品五品素絲頭繡帶青幔

六品至九品用素雲頭素帶青幔轎子比同車製

庶民車用黑油齊頭平頂皂幔轎子比同車製並不許

用雲頭

一帳幔並不許得用赭黃龍鳳紋

職官一品至三品許用金花刺繡紗羅

四品五品刺繡紗羅

六品以下許用素紗羅

一傘蓋庶民並不得用羅絹涼傘許用油紙雨傘

一鞍轡庶民不得描金惟用銅鐵粧飾

稽古定制

一在京功臣宅舍地勢寬者住宅後許留空地十丈住宅左邊右邊各許留空地五丈若見住舊居所在地勢

窄隘已有年矣左右前後皆是軍民所居止仍舊居不許那移軍民以留地

一京城係人煙輻輳去處其地有限設使官員之家往往窺覷住宅左右前後空地日侵月占圍在牆內作園種植菜蔬及為游玩處所甚妨軍民居住且京城官員不下數千若一槩倣京城內地多為菜園百十萬軍何處居住今後官員住宅照依前定丈尺不許多留空地如有過此即便退出與軍民居住令子孫赴告官給

園地另于城外量撥一在京文職官員所居房屋臨時  
奏請量撥居住

凡公侯内外文武四品以上官不得令子孫家人奴僕  
於市肆開張鋪店生放錢債及出外行商中鹹興販物  
貨以給家用器物之類遣人於外賣買以給家用不係  
商賈取利者不在禁例

一古先哲王之制大邑不過三國之一中五之一小九  
之一且如國王所居之城九里公侯所居之城止得三



里伯止得一二里伯八十步子男止得一里古人尊卑之分如此今已矣功臣之家不守分限往往於住宅前後左右多占地丈蓋造亭館或開掘池塘以為游翫似此越禮犯法所以不能保守前功共享太平之福

一古人於地有王氣之處往往埋金以厭之或井其地以洩之前代帝王如此用心今京城已故各官多有不諳道理於住宅內自行開挑池塘養魚種蓮以為玩好非惟洩斷地脈實于本家不利以致身亡家破今後京

城內官員宅院不許開挑池塘亦不得于內取土築牆掘成坑坎

事例

洪武三年令寺觀庵院除殿宇梁棟門牕神座案卓許用紅色外其餘僧道自居房舍並不許起造斗拱彩畫梁棟及僭用紅色什物床榻椅卓 六年令凡各處僧道寺觀金采裝飾神佛龍鳳等像除舊有外不許再造凡舟車坐轎除紅漆外許雜色漆飾五品以上車用

青幔餘並不許其坐轎止許婦人及官民老疾者乘之  
凡傘蓋京城內一品二品許用其餘止許用雨傘京城  
外聽用之 凡帳幔職官一品至五品許用綾羅紗被  
褥用紵絲錦繡六品至九品帳幔用紗絹被褥用綾羅  
紬絹庶民用紬絹布 十六年令尚書侍郎左右都御  
史通政使大理寺卿應天府尹國子祭酒翰林等學士  
許張傘蓋 三十五年申明軍民房屋不許蓋造九五  
間數一品二品廳堂各七間六品至九品廳堂梁棟止

用粉青刷飾庶民所居房舍從屋雖十所二十所隨所  
宜蓋但不得過三間官員傘蓋不許用金繡硃紅裝飾  
公侯駙馬伯與一品二品同官民人等不許僭用金酒  
爵其椅卓木器之類並不許用硃紅金飾鞍轡馬額下  
纓并鞦轡俱用黑色不許紅纓及描金嵌金天青硃紅  
粧飾軍民用鐵事件黑綠油粘餘同諸司職掌 正統  
十二年令庶民房屋架多而間少者不在禁限 景泰  
四年令在京三品以上許乘轎其餘不許違例在外各

衙門俱不許乘轎 天順八年詔京城內外寺觀今後  
不許增修請額 成化九年申明兩京官員油傘遇雨  
任用其涼傘京城內不許張設若出郊出外不拘此限  
弘治七年申明兩京及在外文武官員除奉有特旨  
及文職例應乘轎者止許四人扛擡其兩京五府管事  
并京在外鎮守守備等項公侯伯都督等官不分老  
少皆不許乘轎違例乘轎及擅用八人者指實奏聞

明會典卷五十九

欽定四庫全書

明會典卷六十

禮部十九

冠禮

天子冠禮

明集禮

前期太史院奉制筮日工部製冕服翰林院撰祝文辭  
或用古辭或臨時修撰禮部備儀注中書省承制命某

官攝太師某官攝太尉既筮日遣某官奏告天地宗廟  
行一獻禮訖告示文武百官于皇城守宿清晨具朝服  
行禮前一日內使監令陳御冠席于奉天殿正中設香  
案與冕服案于御冠席之南香案又御座之南尚寶卿  
設寶案于香案之南侍儀司設太師太尉起居位于文  
樓之南西向設文官起居位於太師太尉起居位之後  
設武官起居位於武樓之南設太師太尉拜位于丹墀  
內道稍西北向東上設太師太尉侍立位于殿上御席



之西東向設盥洗位于丹陛西階之下東向內贊二人  
位于殿上南楹之左右東西相向設文官拜位於內道  
之東每等異位重行北面西上設武官拜位於丹墀內  
道之西每等異位重行北面東上設使客位於文官拜  
位之東北面西上殿前班諸執事起居位於武官起居  
位之北東向設侍從班諸執事起居位於文官起居位  
之北西向設宿衛鎮撫二人位於東西陛下東西相向  
護衛百戶二十四人位於宿衛鎮撫之南稍後東西相

向典牧所官二人位於乘馬之前東西相向知班位二人於文武官拜位之北東西相向通贊典禮二人位于知班之北東西相向通贊在西贊禮在東引太師太尉二人位於太師之北西立東向引文武班四人位于文武官拜位之北稍後東西相向引殿前班二人位于引武班之南引使者二人位于文班之南設殿前班指揮司官三員侍立位於丹陛上之西東向光祿官二員位于丹陛上之東西向拱立司官位於殿門之左右東西

相向文官侍從班起居注給事中殿中侍御史尚寶卿  
位於殿上之東西向侍從班懸刀指揮位於殿上之西  
東向護衛千戶八人位於殿東西門之左右東西相向  
典儀二人位於丹陛上之南東西相向鳴鞭四人位於  
丹陛上北向將軍二人於殿上簾前之左右將軍六人  
位於殿門之左右將軍四人位于丹陛上之四隅將軍  
六人于奉天門之左右東西相向是日清晨金吾衛陳  
設甲士於午門外之東西陳五輅於丹墀之南北向典

牧所陳仗馬於文武樓之南東西相向陳虎豹于奉天門外東西相向協律郎陳樂於丹墀文武官之南擊鼓初嚴催班舍人催文武百官具朝服擊鼓次嚴引班引文武官各依品從齊班於午門外以北為上東西相向通班贊禮知班典儀內贊宿衛鎮衛鳴鞭殿內將軍殿外將軍俱入就位引班引殿前班揮揮光祿卿各依品從序立于起居位東西相向諸侍衛官俱各服其器服及尚寶卿侍從官入詣謹身殿後迎擊鼓三嚴引班引

文武官以序入起居位引使客立於文班之後侍儀版  
奏外辦御用監令奏請皇帝服空頂幘雙童髻雙玉導  
絳紗袍御輿以出侍衛導從警蹕如常儀皇帝將出仗  
動和郎作樂太常博士引太常導至奉天殿即御位樂  
止捲簾鳴鞭雞唱報時訖拱衛司官由殿西門出降西  
階引班引入起居位通班唱各供事殿前班侍從班及  
諸執事各就本位引禮引太師太尉先入就拜位引班  
引文武官俱入就丹墀拜位知班唱班齊典儀唱拜贊

禮唱鞠躬樂作拜興拜興拜興拜興平身太師太尉及  
文武官皆鞠躬拜興拜興拜興拜興平身樂止引禮引  
太師先詣盥洗位西向立引禮唱搯笏盥手太師搯笏  
盥手引禮唱悅手司中以巾進太師悅手訖引禮唱出  
笏太師出笏引禮引太師由西陞升引禮退就本位本  
師至殿西門接引至御席西東向立引禮復引太尉詣  
盥洗位西向立引禮贊搯笏盥手太尉搯笏盥手引禮  
贊悅手司巾者以巾進太尉悅手引禮贊出笏太尉出

笏引禮引太尉由西陞升引禮退復位太尉至殿西門  
內贊接引入立於太師之南侍儀跪奏請加元服退復  
位太尉進就皇帝座前少右跪搢笏脫空頂幘以授內  
使內使跪受幘興置巾櫛畢設纓出笏興退立於西太  
師進至御前北向立內使監令就案取冕立于太師之  
左太師祝曰令月吉日始加元服壽考維祺以介景福  
內使監令奉冕跪授太師太師搢笏跪受冕加冠加簪  
纓訖出笏興退立于西內使監令徹櫛纓箱御用監令

跪奏請皇帝着袞服皇帝興着袞服訖侍儀跪奏請就御座內贊贊進醴樂作太師進就御座北面立光祿卿奉酒進授太師太師搢笏受酒至御前北面祝曰甘醴維厚嘉薦令芳承天之休壽考不忘祝訖跪授內使內使跪受酒捧進皇帝皇帝受酒祭少許啐酒訖以虛盞授內使樂止內使捧盞降授太師太師受盞興以授光祿卿光祿卿受盞退太師出笏退復位內贊引太師太尉出殿西門樂作降自西階引禮接引就丹墀拜位立



定樂止引禮退復位典儀唱拜贊禮唱鞠躬拜興拜興  
拜興拜興太師太尉及文武官皆鞠躬樂作拜興拜興  
拜興拜興平身樂止贊禮拊笏鞠躬三舞蹈跪三拱手  
加額山呼山呼太師太尉文武百官皆鞠躬拜興拜興  
拜興拜興平身再山呼出笏就拜興平身典儀唱鞠躬  
樂作贊禮唱拜興拜興拜興平身樂止典儀唱禮  
畢侍儀奏禮畢皇帝興樂作警蹕侍從導引入宮樂止  
引禮引太師太尉及文武百官以次出皇帝改服通天

冠絳紗袍入宮拜謁太后如正旦儀擇日謁太廟其儀  
與時祭同見廟之明日百官具公服稱賀畢賜宴于謹  
身殿並如正旦冬至朝會儀

明會典卷六十

欽定四庫全書

明會典卷六十一

禮部二十

冠禮

皇太子冠禮

洪武元年定前期太史監承制筮曰工部制袞冕遠遊冠折上巾服翰林撰祝文祝辭禮部脩儀注中書省承制命某官為贊既筮日遣官奏告天地宗廟禮部告示

文武百官於皇城守宿至期之前一日內使監令陳御座香案于奉天殿中侍儀司設皇太子次於殿之東房賓贊次於午門外皇太子拜位於丹陛上正中賓贊受制位於皇太子拜位之西北東向承制官位於御座之東西向宣制官位於皇太子位之東北西向賓贊拜位於內道之東北面西上餘陳設如朝會議至日侵晨執事官設壘洗於東階東南壘在洗東篚在洗西內使監官設皇太子冠席於殿上東南西向醴席於西階上南

向張帷幄於東序內設褥席於帷中又張帷於序外御  
用監陳服於帷內東領北上袞服九章遠遊冠絳紗袍  
折上巾絳紗袍緇纚犀簪二物同箱在服南櫛實于箱  
又在南司尊實醴於側尊加勺罍設醴於席之南設坩  
於尊東置二爵于坩進饌者實饌設於尊北諸執事者  
各就其所冕九旒遠遊冠十八梁折上巾冠冕各盛一  
箱執事者各執其物立於階西東面北上鼓初嚴文武  
百官具朝服次嚴護衛等各就位東宮官導從皇太子

至殿門贊禮同太常博士引詣奉天殿東房侍衛官入  
詣謹身殿奉迎三嚴文武百官入就位皇帝服通天冠  
絳紗袍御輿以出樂作陞座樂止捲簾鳴鞭報時訖賓  
贊就位樂作四拜樂止侍儀司跪承制降自東階詣賓  
前稍東西向稱有勅賓贊跪侍儀宣制曰皇太子冠命  
卿等行禮宣訖贊皆四拜文武侍從班俱就殿內位賓  
贊及應行禮官詣東階下位東宮官太常博士詣殿前  
東房引皇太子入就冠席樂作皇太子即席樂止賓贊

詣罍洗樂作搢笏盥帨出笏樂止升自西階執事者捧折上巾進賓降一等受之右執項左執前進皇太子席前北面祝云云皆隨時撰述祝畢跪冠樂作興席南北面立贊冠者進席前跪正冠興立於賓後內使跪進服服訖樂止賓揖皇太子復坐賓贊降詣罍洗如前儀贊冠者進跪脫折上巾置於箱興以授內使內使跪受置於席執事捧遠遊冠進賓降二等受之樂作進冠如前儀贊冠者進跪簪結紘內使進服樂止賓揖皇太子復

坐詣疊洗脫冠俱如前儀執事者捧袞冕進賓降三等受之進冠亦如前儀畢太常博士引皇太子下降自東階樂作由西階升即醴席南向坐樂止賓詣疊洗樂作盥飭升自西階樂止贊冠取爵詣司尊前酌醴授賓跪進爵於皇太子席前祝云云祝畢皇太子搢圭跪授爵樂作飲訖奠爵執圭進饌者捧饌設於皇太子席前皇太子搢圭食訖樂止執圭執事官徹爵與饌太常博士引皇太子降自西階殿東房易朝服詣丹墀拜位樂作



東宮官各就拜位樂止賓贊詣皇太子位稍東西向賓少進字之辭曰奉勅字某太常博士啓皇太子再拜跪聽宣勅畢復再拜興進御前跪奏曰臣不敏敢不祇奉奏畢復位侍立官並降殿復位在位官皆四拜禮畢皇帝興樂作還宮樂止內給事導皇太子入內朝見皇后如朝正旦儀百官以次出明日謁廟如時享禮陪祀官先赴廟庭皇太子服衮冕執圭太常博士前導由南門入至拜位皇太子及陪祭官皆再拜興皇太子陞殿詣

神位前三上香復位及陪祭官皆再拜畢皇太子還宮  
明日百官俱朝服詣奉天殿稱賀退易公服詣東宮稱  
賀賜宴

成化十四年續定

習儀

前期一日各執事官先於本部習儀次日赴文華殿習  
儀

告廟

前期一日遣官具特牲告廟行一獻禮

陳設

前期一日錦衣衛設幕次文華殿之東序鴻臚寺設節案於殿內之北正中設香案於節案之南設冠席於殿內之東南向設醴席於西上南向內使張帷幄於東序內設座椅几案褥褥於幄中又張帷於序外陳袍服皮弁袞服圭帶舄等物各以箱盛置於帷中案上具翼善冠皮弁九旒冕各用盤盛以紅袱覆之置於東階之南

案上光祿寺設盥洗所於東階冠案之南稍東設司尊所於醴席之西南司尊者實醴於尊側加勺畢設站於尊東置二爵於站進饌者實饌設於尊北諸執事者皆立於其所教坊司設樂

遣官

是日早上位具皮弁服御奉天殿傳制遣官文武百官各具朝服侍班如常儀制詞曰朕皇太子某冠命卿等持節行禮

迎節

至期內侍導皇太子先於東序帷幄中坐候持節將至  
禮部詣東序啓皇太子迎節樂作禮部官導皇太子出  
迎於殿門外持節官捧節入置於案頭立于節案之東  
樂止禮部等官導皇太子詣香案前樂作行四拜禮畢  
樂止持節官同賓贊并宣勅戒等官序立於東南盥洗  
所之次

就冠席

禮部啓皇太子就冠席樂作禮部等官導皇太子詣至冠席內侍二人夾侍皇太子即席西南向坐樂止

初加

鴻臚寺鳴讚贊行初加冠禮樂作引禮序班引賓贊皆詣盥洗所賓贊皆搢笏以次盥手訖出笏樂止鳴讚二人稍南東西向立賓贊官陞自東階稍西向內使揭蓋袂樂作以盤捧翼善冠陞賓降階一等受之樂止賓右手執冠後左手執冠前進皇太子席前北面立祝曰吉

月令辰乃加元服懋敬是承永介景福樂作賓跪進冠  
興復位贊者跪正冠興立於賓後樂止禮部官啓易服  
皇太子入帷幄易新袍服出禮部官啓復坐

再加

鳴讚贊行再加冠禮樂作內侍揭蓋袂以盤捧皮弁陞  
賓降二等受之樂止賓右手執皮弁後左手執皮弁前  
前進如前儀祝曰冠禮申舉以成令德敬慎威儀惟民  
之式樂作內侍釋翼善冠賓跪進皮弁興復位贊者跪

正皮弁興立於賓後樂止禮部官啓易服皇太子入帷  
幄易皮弁服烏出禮部官啓復坐

三加

鳴讚贊行三加冠禮樂作內侍揭蓋袂以盤捧冕旒陛  
賓降階三等受之樂止進如前儀祝曰章服咸加飭敬  
有虔永固皇圖於千萬年樂作內侍釋皮弁冠賓跪進  
冕旒興復位贊者跪簪結紘興立於賓後樂止禮部官  
啓易服皇太子入帷幄易袞服出禮部官啓復坐



酬禮

鳴讚贊行酬禮禮部官啓皇太子詣醴席樂作禮部等  
官引皇太子降自東階由西階陞即醴席南向坐樂止  
光祿寺官舉醴卓樂作引禮序班引賓贊詣盥洗所賓  
贊搢笏盥手訖出笏陞西階贊者取爵詣司尊所酌醴  
授賓賓執爵詣席前立樂止祝曰旨酒孔馨嘉薦載芳  
受天之福萬世其昌畢賓跪進爵鳴讚贊皇太子搢圭  
受爵置於案教坊司啓樂奏喜千春之曲次啓進酒皇

太子舉爵飲訖奠爵於案樂止光祿寺官進饌樂作饌至案樂止饌訖贊出主徹卓賓贊復位

受勅戒

鳴讚贊受勅戒禮部官啓請皇太子詣受勅戒位禮部等官引皇太子降自階由東階詣拜位樂作引禮禮序班引宣勅戒官詣皇太子拜位稍東西向立樂止稱有制鳴讚贊跪皇太子跪宣勅戒曰孝事君親友於兄弟親賢愛民居仁由義毋怠毋驕茂隆萬世樂作俯伏興

四拜興平身樂止禮部官捧節出樂作禮部等官引皇太子送節至殿門外引還東序內侍引還宮持節及賓贊宣勅戒等官復命

謁見

當日皇太子具冕服謁祭奉先殿用樂行禮如常儀謁祭奉慈殿用樂行禮如常儀畢皇太子仍具冕服詣太皇太后前謝詣皇太后前謝詣上位前謝詣皇后前謝俱行五拜三叩頭禮俱用樂

稱賀

次日早上位具皮弁服御華蓋殿鴻臚寺奏請陞殿文武百官具朝服稱賀詞曰皇太子冠禮既成禮當慶賀行五拜三叩頭禮畢就詣文華殿行賀皇太子禮錦衣衛陳設儀仗如常儀

欽定四庫全書

明會典卷六十二

禮部二十一

冠禮

皇太孫冠禮

永樂九年定前期二日各執事官於本部習儀次日赴華蓋殿習儀前期錦衣衛設幕次於華蓋殿之東序鴻臚寺設掌贊宣勅戒等官位於殿內道之東北向西上

設應行禮官屬位於內道東西上設護衛武官位於內道之西東上設諸執事起居位於武官位之東北向設通贊典禮二人位於殿內東西相向內侍設皇太孫冠席於殿內東南西向設醴席於西上南向張帷幄於東席內陳設褥褥於幄中又張帷於序外內侍陳服於內內東領北上袞服九章翼善冠絳紗袍緇纓網巾犀簪三物同箱在服南櫛實於箱又在南司尊實醴於側尊加勺罍設於醴席之南設坫於尊東置二爵於坫進饌

者實饌設於尊北諸執事者皆立於其所冕九旒翼善冠緇纚網巾各以箱盛候是日早上御奉天殿傳制遣官制詞曰朕皇太孫某冠命卿等持節行禮傳制畢掌冠官持節至華蓋殿行禮候節至禮部鴻臚寺等官詣東序啓皇太孫出迎殿門外贊禮導皇太孫迎節至殿置於中設香案樂作贊禮贊皇太孫行四拜禮畢禮部等官啓皇太孫詣冠席內侍二人夾侍皇太孫即席正南向樂止引禮引賓贊以次詣壘洗樂作搯笏盥手悅

手訖出笏樂止自西階執緇纚及網巾者升掌冠降一等受之進皇太孫席前北面立祝曰吉月令辰乃加元服懋敬是承永介景福畢供奉官束髮掌冠跪加網巾樂作賓興席南北面立贊冠者北面跪正之興立於掌冠後內使跪進服訖樂止掌冠啓皇太孫復坐執翼善冠者升掌冠降二等受之右執項左執前進皇太孫席前北面立祝曰冠禮申舉以成令德敬慎威儀惟民之式畢乃跪冠樂作掌冠興席南北面立贊跪進席前面



北跪正冠興立於掌冠後皇太孫興內使進絳紗袍服  
訖樂止掌冠啓皇太孫復坐贊冠進席前北面跪脫翼  
善冠置於箱興內侍跪脫服亦置於席執袞冕者升賓  
降三等受之右執項左執前進皇太孫席前北面立祝  
曰章服咸加飭敬有虔永固皇圖於千萬年畢乃跪冠  
樂作掌冠興席南北向立贊冠者進席前北面跪簪結  
紘興立於掌冠後內侍跪進袞服訖樂止禮部等官引  
皇太孫降自東階樂作由西階升即醴席南向坐樂止

引禮引掌冠詣罍洗樂作搢笏盥手訖出笏升西階樂止贊冠者取爵詣司罇所酌醴授掌冠掌冠受爵跪進於皇太孫席前北面祝曰旨酒孔馨嘉薦載芳受天之福萬世其昌畢皇太孫搢圭受爵樂奏喜千春之曲飲訖莫爵進饌者捧饌設於皇太孫席前皇太孫食訖出圭執事徹饌樂止禮部等官啓請引皇太孫降自西階詣拜位樂作就位引禮引宣勅戒官詣皇太孫位稍東西向稱有制贊皇太孫跪樂止聽宣勅戒詞曰孝事君

親友于兄弟親賢愛民居仁由義毋怠毋驕茂隆萬世  
樂作俯伏興拜興拜興拜興拜興平身樂止禮部官啓  
禮畢贊禮畢樂作禮部官引皇太孫送節至殿門外引  
還東序內侍引還宮樂止掌冠等官復命皇太孫當日  
謁廟畢就詣上位前謝及東宮前謝次日文武百官具  
朝服稱賀詞曰皇太孫冠禮既成當慶賀次詣文華殿  
稱賀次詣皇太孫前行賀禮

親王冠禮

諸司職掌

一前期三日各執事官於本部習儀至日傳制遣官持節行禮一前期儀衛司先設王邸在東序張帷幄設褥褥於序中又張帷於序儀制司設掌贊宣勅戒等官序立位於王邸東稍西向具九旒冕翼善冠絳紗袍等服并網簪金簪二物各以箱成候持節者至禮部儀禮司等官啓王出迎門外贊禮導王行節入王邸置中庭樂作贊王詣香案前四拜畢禮部等官啓就冠席西南向

內侍二人夾侍樂止引禮引賓贊以次詣壘洗樂作搯  
笏盥手樂止通贊典儀二人露臺東西向冠席在東序  
南西向醴席在西南向行禮之時諸執事官陞自東階  
稍西向掌冠者執網巾陞賓降一等受之進王席前稍  
北面立祝曰惟茲吉日冠以成人克敦孝友福祿來臻  
畢供奉官束髮掌冠跪進網巾樂作贊冠者跪正之興  
立掌冠後內侍跪進服訖樂止掌冠啓王復坐執翼善  
冠陞賓降二等受之右手執冠後左手執冠前進如前

儀祝曰冠禮斯舉寔由成德敬慎威儀惟民之則畢跪  
進冠興樂作掌冠啓復坐贊冠進跪脫翼善冠興內使  
跪脫袍服執袞冕者陞賓降三等受之進如前儀祝曰  
冠至三加命服用章敬神事上永固藩邦跪進服興樂  
作贊冠跪簪結紘興立掌冠後王興內侍跪進袞服訖  
樂止禮部官引王降自東階樂作由西階陞醴席南向  
坐樂止引禮引掌冠詣壘洗樂作搯笏盥手訖陞西階  
樂止贊冠者取爵詣司尊所酌醴授賓賓跪進席前北

面祝曰旨酒嘉薦載芬載芳受茲景福百世其昌畢王  
搢圭受爵樂奏喜千春之曲飲訖奠爵出圭進饌饌訖  
引王降自西階詣東序易服訖樂止請王詣拜位樂作  
引禮引宣勅戒官至中庭西向立稱有制王跪樂止宣  
勅戒曰孝於君親友於兄弟親賢愛民率由禮義毋溢  
毋驕永保富貴樂作俯伏興四拜興樂止禮部官啓禮  
畢引王還樂止掌冠等官復命王是日謁廟畢就詣父  
皇及東宮前謝次日百官稱賀畢詣王府行叩頭禮

成化二十三年續定

習儀

前期各執事官於奉天門前東廡習儀三日

陳設

前期鴻臚寺設王冠所於奉天門前東廡左順門之北  
設節案香案各一於廡內之北正中設冠席於東階之  
上西向設醴席於西階之上東向光祿寺設司尊所一  
於東階之下稍南設盥洗所一於司尊所之南內侍設



帷幄於香案之東冠席之後稍北俱西向帷中設坐椅  
几案各一別設案於東階之南司尊所之北具翼善冠  
皮弁九旒冕皆以盤盛紅袂覆之置於案具袍服皮弁  
服袞服圭帶舄等物皆以箱盛置於幄中案上教坊司  
設樂於南

### 遣官

是日早皇上預告奉先殿畢具皮弁服御華蓋殿鴻臚  
寺奏請陞殿傳制遣官持節行禮文武百官各具朝服

侍班如常儀

迎節

至期內侍導王先於帷幄中坐候持節將至禮部官啓  
王迎節樂作禮部同鴻臚寺卿導王王出階下節至持  
節官捧節入置於北正中案上樂止王隨節入持節官  
立於節案之東賓及宣勅戒宣祝等官序立於東南盥  
洗所之次禮部官鴻臚寺卿導王詣香案前立樂作行  
四拜禮畢樂止

就冠席

禮部官啓王就冠席樂作禮部官同鴻臚寺卿導王詣冠席坐樂止內侍二人立於王左右

初加

鴻臚寺鳴讚贊行初加冠禮樂作引禮序班引賓詣盥洗所搯笏盥手訖樂止鳴讚二員稍南北向立賓陞自東階稍西向樂作內侍揭蓋袂以盤捧翼善冠陞賓降一等受之樂止賓右手執冠後左手執冠前詣王席前

稍東面立贊宣祝宣祝官祝曰

祝辭與諸司職掌同

祝訖樂作賓

跪進冠訖興復位樂止禮部官啓易服王入帷幄易新

袍服出禮部官啓復坐

再加

鳴贊贊行再加冠禮樂作內侍揭蓋袂以盤捧皮弁陞

賓降二等受之樂止賓以右手執弁後左手執弁前如

前儀贊宣祝宣祝官祝曰

祝辭與諸司職掌同

祝訖樂作內侍釋

翼善冠賓跪進皮弁訖興復位樂止禮部官啓易服王

入帷幄易皮弁服舄出禮部官啓復坐

三加

鳴讚贊行三加冠禮樂作內侍揭蓋袂以盤捧冕旒陛  
賓降三等受之樂止進如前儀贊宣祝宣祝官祝曰

祝辭

與諸司  
職掌同

祝訖樂作內侍釋皮弁賓跪進冕旒訖興復位

樂止禮部官啓易服王入帷幄易袞服出禮部官啓復  
坐

酬禮

鳴贊贊行醕禮禮部官啓王詣醕席樂作禮部官同鴻  
臚寺卿引王降自東階由西階陞醴席東向坐樂止光  
祿寺舉醴卓置於前樂作引禮序班引賓詣盥洗所搢  
笏盥手訖取爵詣司尊所酌醴由西階陞詣席前立樂  
止贊宣祝宣祝官祝曰祝辭與諸司職掌同祝訖賓跪進爵鳴贊  
贊王搢圭受爵置於案教坊司啓樂奏喜千春之曲次  
啓進酒王舉爵飲訖奠爵於案賓興樂止光祿寺官進  
饌大樂作饌至案樂止饌訖贊出圭徹卓賓復位

受勅戒

鳴讚贊受勅戒禮部官啓王詣受勅戒位禮部同鴻臚  
臚寺卿引王降自西階由東階詣拜位立樂作引禮序  
班引宣勅戒官至庭中西向立樂止稱有制鳴讚贊王

跪宣勅戒曰

戒辭與諸司職掌同

樂作王俯伏興四拜興樂止鴻

臚寺卿啓禮畢持節官捧節出王送節出門外節行至  
階下內侍引王還帷中釋袞冕具翼善冠服回宮持節  
及賓贊宣勅戒等官復命

謁見

是日王具冕服謁祭奉先殿用樂行禮如常儀仍具冕服謁見皇太后畢謁見皇上皇后俱行五拜三叩頭禮次謁皇妃東宮及妃各行四拜禮皆用樂

稱賀

次日早上位常服陞金臺百官常服稱賀致詞云皇子冠禮已成禮當稱賀行五拜三叩頭禮畢是日朝罷司禮監請皇子具常服詣奉天門前東廡坐百官常服行



四拜禮

明會典卷六十二

欽定四庫全書

明會典卷六十三

禮部二十二

冠禮

品官冠禮

明集禮

前期擇日主者告於家廟無廟則告於祠堂北面再拜  
告云某之子某年漸長成將以某月某日加冠於其首

謹以告乃筮賓主者北面再拜告云卜以某甲子吉冠  
某速某賓加冠庶幾臨之謹告前二日主者戒賓及贊  
冠者主者至賓大門外掌次者引之次僮者受主者之  
命入告賓曰某之子某將加冠願吾子教之賓曰某不  
敏恐不能供事以辱吾子敢辭主者曰某猶願吾子教  
之賓曰吾子重有命某敢不從主者再拜賓答拜主者  
還賓拜送主者戒贊冠者亦如之

亦通使子  
弟戒之

前一日掌

事者設次于大門外之右南向其日夙興掌事者設洗

於堂阼階東南東西當東雷

六品以下  
當東榮

南北以堂深疊

水在洗東加勺罍篚在洗西南肆實巾一於篚加罍席

於東房內西牖下

無房者張  
帷為之

陳服於席東領北上莞筵

四加藻席四在南側尊甒醴在服北加勺罍設坫

四品  
以下

設篚  
無坫

在尊北饌陳於坫北設洗於東房近北疊水在洗

西篚在洗東北肆實以巾質明賓贊至於主者大門外

掌次者引之次賓贊公服諸行事者各服其服

無公服  
者服常

服執尊罍篚者皆就位其冠各一箱各一人執之待於

西階之西東面北上設主者之席於阼階上西面賓席  
於西階東面冠者席於主者東北西面主者公服立於  
阼階下當東序西面諸親公服非公服者常服立於巽洗  
東南西面北上

尊者  
別室

賓者公服立於門內道東北面

將冠者

雙童髻空頂幘雙玉導金寶飾綵袴  
褶錦紳烏皮履六品以下導不以玉

立於房內

南面主者贊冠者公服立於房內戶東西面賓及贊冠  
出次立於門西贊冠者稍退俱東面北上賓者進於主  
者之左北面受命出立門東西面曰敢請事實曰某子

有嘉禮命某執事賓者入告主者迎賓於大門之外東

西面再拜賓答拜

凡主賓拜揖皆贊禮者相導

主者揖贊冠者贊冠

者報揖主者又揖賓賓報揖主者入賓及贊冠者次入

及內門行至階

主者立於階東西面賓贊立於階西東面

主者請升賓曰某

備將事敢辭主者固請賓固辭主者終請賓三辭主者

升自阼階立於西東西向賓升自西階立於席西東向

贊冠者及庭盥於洗升自西階入於東房立於主者贊

冠者之南俱西面主者贊冠者引將冠者立於房外之

西南面賓之贊冠者取纚櫛簪跪奠於冠者筵南端席北稍東西面立賓揖將冠者賓主俱即席坐將冠者進升席西南坐賓之贊冠者進筵前東面跪脫雙童髻置於箱櫛畢設纚興復位立賓主俱興賓降至壘洗盥手訖詣西階主者立於席後西面賓立於西階上東面執纚布冠者升授賓賓降一等受之右執項左執前進將冠者筵前東向立祝曰令月吉日始加元服棄爾幼志慎爾成德壽考維祺介爾景福乃跪冠興復西階上席



後東面立賓之贊冠者進筵前東面跪結纓興復位冠者興賓揖冠者冠者適房賓主俱坐冠者

著青衣素裳之服

出

房戶西南面立賓主俱興賓揖冠者冠者進升席西向坐賓之贊冠者跪脫緇布冠置於箱櫛畢設纚興復位執進賢冠者升賓降二等受之右執項左執前進冠者筵前東向立祝曰吉月令辰乃申爾服恭爾威儀淑慎爾德眉壽萬年永受胡福乃跪冠興復位賓之贊冠者跪設簪結纓興復位冠者興賓揖冠者冠者適房賓主

俱坐冠者

著絳紗服

出自房戶西南面立賓主俱興賓揖冠

者冠者進升席西向坐賓之贊冠者跪脫進賢冠置於箱櫛畢設纚興復位執爵弁者升賓降三等受之右執項左執前進冠者筵前東向立祝曰以歲之正以月之令歲加爾服兄弟具在以成厥德黃耆無疆受天之慶乃跪冠興復位賓之贊冠者跪設簪結纓興復位冠者興賓揖冠者適房賓主俱坐主者贊冠者撤纚櫛簪箱及筵入於房又設筵於室戶西南向冠者著爵弁之服

出房戶西南面立賓主俱興主者贊冠者盥手洗解於房酌醴出房南面立賓揖冠者冠者就筵西南面立賓進受醴進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受解賓復西階上東面答拜執饌者奉饌薦於冠者筵前冠者左執解右取脯祭於籩豆之間贊冠者取脯一以授冠者冠者奠解於薦西以祭冠者坐取解祭醴奠解再拜執解興賓答拜賓主俱坐冠者升筵跪奠解於

薦東興進北面跪取脯降自西階入見母進奠脯於席  
前退再拜以出冠者母不在則使人受脯於西階下初  
冠者入見母賓主俱興賓降當西序東面立主者降當  
東序西面立冠者既見母出立於西階東南面賓少進  
字之曰禮儀既備令月吉日昭告爾字爰字孔嘉髦士  
攸宜宜之于嘏永受保之曰伯某甫冠者曰某雖不敏  
夙夜祇奉賓出主者送於內門外主者西向請賓曰吾  
子辱執事請禮從者賓曰某得將事敢辭主者固請賓

曰某既不得命敢不從賓就次主者入初賓出冠者東面見諸親諸親拜之冠者答拜冠者西面拜賓之贊冠者賓之贊冠者答拜訖見諸尊於別室賓主既釋服改席訖賓與衆賓俱出次立於門西東面主者出門東西面主者揖賓賓報揖主者先入賓及衆賓從之至階賓立於西階上贊冠者在北少退俱東面主者立於東階上西面衆賓降立於西階下東面掌事者以幣篚升授主者主者授幣篚於賓賓受之又以幣篚授贊冠者贊冠

受之俱復位主者還阼階上北面拜送賓贊降自西階  
主者送賓於大門外之東西面再拜賓出主者入孤子  
則諸父諸兄戒賓冠之日主者紒而迎賓拜揖讓如冠  
主冠於阼階之下禮賓拜送皆如上儀明日見廟冠者  
朝服質明贊禮者引入廟南門中庭道西北向贊再拜  
訖引出

士庶冠禮

洪武三年定凡男子年十五至二十皆可冠將冠筮日

筮賓於祠堂戒賓俱同品官儀是日夙興張帷為房於  
聽事之東賓主執事者皆盛服設盥於阼階下東南陳  
服於房中西牖下東向北上席二在南酒壺在服北次  
盥注幘頭帽巾各盛以盤蒙以巾帕執事者三人捧之  
立於堂下西階之西南向東上主人立於阼階下子弟  
親戚立於盥東賓者立於門外以俟賓將冠者雙紒袍  
勒帛素履待於房中賓至主人出迎揖而入坐定將冠  
者出於房執事者請行事賓之贊者取櫛總篋幘頭置

於席南端賓揖將冠者將冠者即席西向坐賓之贊者為櫛合紒施總加幪頭賓主皆降主人立於阼階下賓盥訖主人揖讓升自西階皆復位執事者以巾進賓降西階一等受之詣冠者席前東向云云跪為著巾興復位冠者興賓揖冠者適房易服深衣大帶出房即冠席賓盥訖降二等受帽進祝贊者徹巾賓跪冠興復位冠者興賓揖冠者入房易服旋服襴衫腰帶出房即冠席賓盥訖降三等受幪頭進祝三祝皆同品官詞贊者徹



帽加幘頭復位冠者興賓揖冠者適房易公服出房執  
事者徹冠席入帷中更設醴席於西階南向贊者酌醴  
出房立於冠者之南賓揖冠者即醴席西向立賓受醴  
詣席前北面祝同品官詞冠者於席西拜受賓答拜執  
事者薦饌冠者即席坐飲食訖再拜賓答拜冠者離席  
立於西階之東南向賓字同品官詞冠者拜賓答拜冠  
者拜父母父母為之起拜諸父之尊者遂出見鄉先生  
及父之執友先生執友皆答拜訖賓退主人請禮賓辭

固請許諾乃入設酒饌延賓及僂贊者賓退主人酬賓  
贊侑以幣乃拜謝禮畢主人以冠者見祠堂告曰某之  
子某冠畢敢見冠者北面焚香再拜出

明會典卷六十三

欽定四庫全書

明會典卷六十四

禮部二十三

婚禮

天子納后儀

正統七年定

納采問名

前期擇日遣官告天地宗廟至期前一日所司設御座

於奉天殿鴻臚寺設制案節案於御座前內官監禮部  
陳禮物於文樓下教坊司設中和樂於殿內至期清晨  
錦衣衛設鹵簿於丹陛下禮部陳禮物於丹陛上內官  
監設綵輿於奉天門外教坊司設大樂於奉天門內質  
明鼓三嚴鐘止鴻臚寺奏請陞殿上具冕服導駕奉引  
如常儀陞座文武官朝服叩頭訖執事引正副使朝服  
就拜位行四拜禮傳制官奏傳制訖由東門出執事舉  
制案節案由中門出禮物在丹陛上者隨之俱置丹陛

中道傳制官宣制曰茲選某官某女為皇后命卿等持節行納采問名禮正副使又行四拜禮鴻臚寺奏禮畢上興引禮引制案節案用傘蓋遮護由奉天門中門出執事引文樓下禮物隨出至奉天門外正副使取制書置綵輿中儀仗大樂前導從中門中道行出大明門外正副使釋朝服乘馬行詣皇后第行禮皇后第前一日設正副使幕次於大門外左南向設香案於正堂中設制案節案於香案南別設案於香案之北其日正副使

至大門外儀仗大樂分列置綵輿於正中設制案節案於綵輿北引禮引正副使入幕次執事官陳禮物於正堂正副使出幕次取制書置案上禮官一員先入正堂立於東主婚者朝服出見立於西禮官曰奉制建后遣使行納采問名禮引主婚者出迎引禮引正副使捧制書及節先行主婚者隨行至正堂置制書及節於案正使立於案左副使立於案右引禮引主婚者就拜位行四拜禮詣案前跪正使取納采制宣訖授主婚者主婚

者受之授執事者置於北案上稍左副使取問名制宣  
訖授主婚者主婚者受之授執事者置於北案上稍右  
主婚者俯伏興平身執事者舉答問名表案於主婚者  
後少西取表授主婚者主婚者受表跪授正使主婚者  
俯伏興平身退就拜位又行四拜禮畢正副使出置表  
綵輿中訖主婚者至正副使前致詞云請禮從者酒饌  
畢主婚者捧幣以勞正副使正副使出主婚者送至大  
門外正副使進發綵輿於大明等門左門入至奉天門

外以表節授司禮監官奏聞復命

納采制

朕承天序欽紹鴻圖經國之道正家為本夫婦之倫乾坤之義實以相宗祀之敬協奉養之誠所資維重祇遵聖祖母太皇太后聖母皇太后命今遣使持節以禮采擇

問名制

朕惟夫婦之道大倫之本正位乎內必資名家特遣使



持節以禮問名尚佇來聞

答辭

臣某伏承嘉命正使某官某等重宣制詔問臣名族臣女臣夫婦所生先臣某官某之玄孫先臣某官某之曾孫先臣某官某之孫先臣某官某之外孫臣女今年若干謹具奏聞

納吉納徵告期

前一日所司設制案節案禮物中和樂至期清晨設鹵

簿綵輿大樂傳制遣使並同前納采問名儀但納徵用  
玄纁束帛六馬等物制詞云茲聘某官某女為皇后命  
卿等持節行納吉納徵告期禮皇后第前一日設正副  
使幕次香案制案節案別設案並同前受納采問名儀  
惟更設玉帛案其日正副使至皇后第於綵輿中取制  
書玉帛置案上少候執事先設皇后冠服諸禮物於正  
堂六馬陳於堂下禮官一員入正堂主婚者出見禮官  
曰奉制聘皇后遣使行納吉納徵告期禮主婚者出迎

執事舉玉帛案前行正使於案取納吉納徵制書捧之  
副使取告期制書及節捧之次行主婚者後隨至正堂  
正副各有制書及節置案上退立案之左右相向置玉  
帛案於制書案之南引禮引主婚者就拜位行四拜禮  
引詣案前跪正使取納吉納徵以次宣訖授主婚者主  
婚者受制以授執事者執事者跪受置於北案正使捧  
圭授主婚者主婚者受圭以授執事者執事者跪受置  
於北案副使捧玄纁授主婚者主婚者受以授執事者

執事者跪受置於北案副使取告期制書宣訖授主婚者主婚者受制以授執事者執事者跪受置於北案主婚者俯伏興平身復位行四拜禮畢正副使持節出以節置綵輿中主婚者送至門外請禮從者及捧幣勞正副使俱同前正副使還至奉天門外以節授司禮監官捧入復命

納吉制

大婚之卜龜筮卿士協從敬循禮典遣使持節告吉

納徵制

卿女有貞靜之德稱母儀之選宜共承天地宗廟特遣使持節以禮納徵

告期制

歲令月良吉日某甲子大婚維宜特遣使持節以禮告期

發冊奉迎

前一日所司設樂儀仗如常儀至期清晨鴻臚寺設制

書案節案冊案寶案於御座前禮部陳鴈及禮物於丹  
陛上設綵輿於奉天門外內官監陳設皇后鹵簿車輅  
禮物於綵輿南其傳制遣使並同前納采問名儀但改  
制詞云茲冊某官某女為皇后命卿等持節奉冊寶行  
奉迎禮其制冊寶節用傘蓋遮護從中門出執事舉鴈  
及禮物隨行正副使亦隨行詣皇后第行禮其奉迎用  
旗手衛鼓吹前導設而不作教坊司作樂如常儀是日  
內官設皇后幕次於內殿南北向設上與皇后各更服

處於內殿皇后第前一日設正副使幕次於大門外南向設香案制書案節案寶冊案於正門中又設香案制書案節案於正堂別設案於正堂北其日正副使至於綵輿中取制書冊寶置案上入次少候女官奉皇后首飾褱服入中堂左內官陳儀仗車輅等物於大門內禮官一員先入主婚者朝服出見禮官曰奉制冊后遣使持節奉冊寶行奉迎禮主婚者出迎執事者舉冊寶案前行正副使捧制書及節次行執事者執鴈及禮物隨入

主婚者從行至正堂正副使置制節於案執事者置冊  
寶案於制節之南冊東寶西正使立於案左副使立於  
案右相向引禮引主婚者就拜位行四拜禮退立於西  
南女官以首飾褙服進皇后內官進皇后儀仗於中堂  
前設女樂於堂下作止如常儀司禮監官進前受節冊  
寶正副使於案取節冊寶授之仍前立候內贊二人引  
捧節冊寶監官入中堂前各置於案皇后具服出閤女  
官及宮人擁護詣香案前向闕立內贊贊行四拜禮贊



宣冊贊跪皇后跪宣冊官取冊立宣於皇后之左訖贊  
受冊贊揖主宣冊官以冊進授皇后皇后受冊以授女  
官女官跪受立於西贊宣寶宣寶官取寶立宣於皇后  
之左訖贊受寶宣寶官以寶進授皇后皇后受寶以授  
女官女官跪受立於西贊出主贊興又贊四拜禮畢皇  
后入閣持節監官由正門出授正副使報受冊寶禮畢  
引禮引主婚者詣案前跪正使取奉迎制宣訖授主婚  
者主婚者授執事置於北案執事者以鴈及禮物進副

使以次受之授主婚者主婚者授執事皆置於案又贊  
四拜禮畢正副使出大門外置節綵輿中主婚者請禮  
從者及以幣勞正副使同前司禮監官嚴整鹵簿復以  
奉迎禮入達於女官女官奉請皇后冠服出閤女樂前  
導宮人擎執擁護自東階下立香案前內執事贊四拜  
禮請皇后陞堂南向立主婚者進立於皇后之東西向  
曰戒之敬之夙夜無違命畢退立於東階西向毋進立  
於皇后之西東向施衿結帨曰勉之敬之夙夜無違畢

退立於西階東向內執事奏請乘輿皇后降階陞輿侍  
從如儀內執事導從出門奉迎儀仗大樂前行綵輿次  
行正副使隨行司禮監官擁導皇后鹵簿冊寶綵輿行  
宮人乘轎內官內使衛護從大明門中門入文武百官  
具朝服於承天門外東西向立班迎候輿入承天門退  
皇后輿輅至午門外鳴鐘鼓鹵簿止正副使以節授司  
禮監官先入復命捧冊寶官捧冊寶傘扇儀仗女樂前  
導宮人擁護皇后輿由奉天門進內庭幕次捧冊寶監

金史卷八十八  
官以冊寶授女官皇后出輿由西階進上由東階降迎  
於庭揖皇后入內殿內侍請上詣更服處具袞冕女官  
請皇后詣更服處更禮服上同皇后詣奉先殿行禮捧  
冊寶女官以冊寶置皇子宫中內官以皇后車輿鹵簿  
入午門過御橋由中右門進皇子宫中

冊丈

朕躬膺天命祇嗣祖宗大位統馭天下致理之本肇自  
正家惟夫婦之道體乾坤之義越稽古先聖君明王咸

有令德輔成於內以興王化之美以厚萬福之原咨爾  
某氏生於勲門天稟純茂慈惠貞淑靜一誠莊敬承姆  
師恒循禮度敷求懿德穆卜大門今遣使持節以金冊  
金寶立爾為皇后於戲惟君暨后奉神靈之統理萬物  
之宜惟孝惟誠以奉九廟之祀惟敬惟愛以承兩宮之  
懽惟勤致儆戒相成之益惟無忘詩書圖史之規惟謙  
和以睦宗婣惟節儉以處富貴弘樛木逮下之惠衍螽  
斯蕃衍之祥於以表正六宮而母儀四海懋欽乃行用

永光華

謁廟

是日早內官於奉先殿陳設牲醴祝帛畢候上同皇后至贊引引就拜位上在東皇后在西行禮如常儀祭畢還宮

合卺

是日內官先於正宮殿內設上座於東皇后坐於西相向置酒案於正中稍南置四金爵兩卺於案上謁廟還

內侍女官請上與皇后各就更服處上服皮弁服陞內  
殿皇后更衣從陞贊請陞座執事者舉饌案於上與皇  
后前女官司尊者取金爵酌酒以進飲訖女官進饌舉  
饌訖女官再取金爵酌酒以進飲訖進饌女官以盞盞  
酌酒合和以進飲訖又進饌舉饌畢內侍奏禮畢上同  
皇后興內侍女官執事奏請上與皇后就更服處易常  
服皇帝從者餞皇后之饌皇后從者餞皇帝之饌

兩宮朝見

第二日早上冕服皇后禮服詣某宮俟某宮禮服陞座  
贊引引上與皇后詣某宮前宮人以暇脩盤立於皇后  
左贊禮贊上與皇后皆四拜執事二人舉案至某宮正  
中宮人以暇脩盤授皇后皇后捧置於案上執事女官  
舉案皇后隨舉進至某宮前皇后復位贊禮贊上與皇  
后皆四拜執事者舉暇脩盤徹於西贊禮畢皇后還宮

謝恩

第三日早上冕服皇后禮服同詣某宮前八拜禮訖皇



后詣內殿俟上服皮弁服陞座贊引女官引皇后禮服  
詣上前就拜位行八拜禮畢皇后還宮陞座引禮引在  
內親屬贊八拜禮次引六尚等女官贊八拜禮次引各  
監局內官內使行八拜禮畢降座入閣是日上受皇后  
謝恩禮畢出具服御奉天殿頒詔布告中外行禮如常  
儀

詔

朕以天序祇承大統君臨海宇子育兆民仰惟隆古帝

王政由彞教禮謹大婚茲承聖祖母太皇太后聖母皇太后命慎簡賢淑作配朕躬謹昭告天地宗廟以某年某月日冊某氏為皇后正位中宮以共承宗祀協贊化理敷告中外咸使聞知

受賀

第四日文武百官具朝服上表慶賀陳設如常儀上具袞冕御華蓋殿親王行八拜禮慶賀次執事官行五拜三叩頭禮畢鴻臚寺奏請陞殿導駕官前導百官進表

行禮如常儀其親王行禮畢詣內殿某宮前皇后前俱  
行慶賀八拜禮出是日某宮具禮服陞內殿受內外命  
婦慶賀禮外命婦進表如常儀皇后禮服陞殿受內外  
命婦慶賀禮外命婦進箋如常儀

盥饋

第五日清晨尚膳監具膳羞皇后具禮服詣某宮俟膳  
至贊引引皇后詣前贊四拜尚食以膳授皇后皇后捧  
膳進於案復位贊四拜贊引引皇后退立於西南俟膳

畢引出還宮

明會典卷六十四